

楚

辭

疏

真元氣分爲六化以統坤元生成之用此卽本化之說也。

圓則九重孰營度之惟茲何功孰初作之幹維焉繫
天極焉加八柱何當東南何虧

度待洛反幹一作莞
竝音管焉於虔切篇

內竝同加叶音基又如
字虧如字又叶苦家反

周拱辰曰圓則九重卽所云天之門以九重也孰
經營而意度之又此九重者馮何功力而造作之
周天三百六十五度五百八十九分度之一百四
十五半覆地土半在地下左旋右廻運行不息如

磨蟻然有不動者以爲動之綱其幹軸維縻繫在
何處天極者卽所云南極北極也北極出地三十
六度恒見不隱南極入地三十六度恒隱不見此
何所交加而默奠之也地下有人柱名山大川孔
穴相通當者祇當撐持之謂俗云地缺東南非真
缺也特東南低陷耳地勢有高下理自如此。

九天之際安放安屬隅隈多有誰知其數

放上聲屬音注數所

反句

周拱辰曰安放安屬言何所局限何所托根猶象

山所云天安在何處也淮南天有九野九千九百九十九隅余謂天圓地方地有四游觸着便成方隅而實無定隅又誰窮其數乎

天何所沓十二焉分日月安屬列星安厠

沓徒含反分叶敷因

反屬之欲反

舊詁日月所會謂辰一歲日月十二會所會爲辰十一月辰在星紀十二月辰在玄枵之類是也若以地而言則前後左右亦有四方十二辰之位焉但在地之位一定不易而在天之象運轉不停惟

天之鶉火加於地之午位乃與地相合而得天運之正耳蓋周天三百六十五度四分度之一周布二十八宿以著天體而定四方之位以天繞地則一晝一夜適周一匝而又超一度日月五星亦隨天繞地而惟日之行一日一周無餘無欠其餘則皆有遲速之差焉張衡靈憲曰星也者體生於地精成於天列位錯峙各有攸屬斯言當矣。

周拱辰曰沓者重沓之謂亦交沓之謂天之中有地地之中有天猶易所稱絪縕磨盪也十二辰支

于相配起於甲寅而天道週矣二十八宿以是分而天之躔度不忒。東西南北以是分而地之方向不惑。歲以是分而年不亂。月以是分而時不易。晝夜以是分而人知度。十二律以是分而禮樂興。然是十二之所分也。有分十二者還須問之太乙屬有繫屬之義。所謂黃道赤道循環運旋日月麗乎天也有分屬之義。天一生水地二生火一結胎於離一結胎於坎一屬奇而專司晝一屬偶而專司夜也。又有轉屬之義。日往則月來月往則日來日

行每疾。月行每遲。日施曜而精熒。月借魄而光燦。
所謂日月自相統屬也。衆星布列其以神著有五
列焉。是爲三十五名。一居中央。謂之北斗。布於方
爲二十八宿。中外之宮常明者百二十有四。可明
者三百二十。爲星二千五百。微星之數萬一千五
百二十。凡帝王卿相人事庶物。昆蟲咸繫命焉。陳
者陳設也。分度分野森然布列也。又陳示也。所謂
天垂象。現吉凶。稽飛流。愷忒。順逆。伏見以察機祥
是也。

出自湯谷。次于蒙汜。自明及晦。所行幾里。

湯音陽一作賜汜音

似上聲

周拱辰曰。湯谷。蒙汜。皆地上川穴之名。日從地出。從地入也。朱晦翁以周天赤道答之大無謂。蓋日行空中。而所過之影。則有方所。猶飛鳥不着地。而所過之影。則涉某山某水。程途近遠。歷歷可數。淮南自日出於暘谷。浴於咸池。登於扶桑。至於曲阿。至於曾泉。至於桑野。至於衡陽。至於昆吾。至於鳥次。至於悲谷。至於女紀。至於淵虞。至於連石。至於

悲泉至於虞淵至於蒙谷自晨明至定昏凡行九州七舍有五億萬七千三百九里。

夜光何德歟則又有厥利維何而顧菟在腹

菟與兔同

陸時雍曰沈括有云月本無光日耀之乃光光之初生且在其傍故光側而所見纔如鉤耳目漸遠則斜照而光稍滿對照則正圓也余謂陽烏陰菟乃日月之魄假物言之者也魄陰而闕如目中之有黑睛假菟言之者菟望月而生精禰感也沈括又謂日月在天如兩鏡相照而地居其中四旁皆

空水故月中微黑之處乃鏡中天地所照之影斯
言恐未然也

女歧無合夫焉取九子伯強何處惠氣安在

夫音扶
強巨良

反在叶

音紫

周拱辰曰女歧神女非指縫裳者言不夫而孕九
子一乳而生釋典號九子母昔女媧氏無夫而生
男顓頊生女截竹爲笄似類此遂古至此洪荒既
闢矣天地既奠矣日月星既麗矣至此漸漸生出
人來纔成世界余謂九子迺人類之種女歧迺生

育之母也。伯強惠氣風屬。上指日月星此專言風也。黃帝風經調暢祥和天之喜氣也。折揚奔厲天之怒氣也。淮南隅強不周風之所生也。諸稽攝提條風之所生。註云隅強天神也。所云伯強卽此。

何闔而晦何開而明角宿未旦曜靈安藏。

閔胡臘反明叶音芒

宿音秀藏與藏同

舊註角宿東方星隨天運轉不常在東

周拱辰曰安藏者藏於何所也。山海經常陽之山日月所入文穹天諭日繞辰極沒西而還東不出

入地中據山海經則日藏地中據穹天論則日藏
空中也吾安得凌倒景騎日月出入天地而一捫
視之乎

不任汨鴻師何以尚之僉曰何憂何不課而行之

汨音

骨尚叶音常
行叶戶郎反

陸時雍曰四岳薦鮪帝曰咈哉方命圯族則不任
汨鴻帝所知也而曰何不課而行之若疑之若訝
之此其所爲天問之辭難以理論事實者也然則
堯之所以使鮪者何也當時在廷諸臣治水之事

亦未有能踰鮌者。僉曰：可使則堯姑使之。此古人所謂不得已而用之者也。迨九載績用弗成，亦未嘗加有害於天下於堯何損焉。汨治也。鴻，大水也。師衆也。尚舉也。課試也。天問中有一等漫與語如此類是也。

鴈龜曳銜，鮌何聽焉？順欲成功，帝何刑焉？

鴈處脂反。聽叶平聲。

周拱辰曰：鴈龜曳銜，經稱鮌陞洪水，傳稱鮌障洪水。國語又稱其陸高，埤甲蓋鴈龜曳銜鮌障水法也。鮌，鴈龜曳尾相銜，因而築爲長堤高城，參差

綿亘。亦如鴈龜之曳尾相銜者然。程子曰。今河北有鯀堤而無禹堤。通志曰。堯封鯀爲崇伯。使之治水。廼與徒役作九仞之城。又淮南。鯀作三仞之城。諸侯恃之。史稽曰。張儀依龜跡築蜀城。非猶夫崇伯之智也。卽其證。順欲成功。言順此治。本未必不成功。帝何以必加之刑耶。

永遇在羽山。夫何三年不施。伯禹腹鯀。夫何以變化。

施叶所加反。又如字。一作弛。腹一作復。筆力反。化叶虎瓜反。又音摩。

周拱辰曰。書稱殛於猶。言貶於實。未嘗殺之。則永

遇在羽山似乎永不施矣而曰三年何也公羊註
古人疑獄三年而始定三年不施永不施矣惟有
一永不遇之已耳易曰君子以遇惡揚善遇之云者遇
抑之使不得逞其伎倆也鮌實生禹迹其聖德夙
成不但近遭父德抑且遠紹列辟何以變化之若
是神異也

纂就前緒遂成考功何續初繼業而厥謀不同

纂作
管反

緒音
敘

陸時雍曰箕子有言鮌陞洪水汨陳其五行蓋築

堤以障其下流之勢而禹則順而導之耳此本無
可問者而彼若謂父子異行初終殊效人事不齊
有如此者故若疑而問之也

洪泉極深何以寘之地方九則何以墳之

泉疑當作
淵唐本避

諱而改之也寘與填同
則一作州墳叶敷連反

周拱辰曰按洪水滔天宜曰極大而此曰極深似
不泛指洪水言也晦翁以泉爲淵極是淮南子凡
洪水淵藪有九淵禹乃息土填洪水爲名山似指
此九則者九州也帝嚳制九州洪水時經塗界限

漫滅莫理洪水既治。故道宛然。左傳茫茫禹迹。畫
爲九州。非禹始初畫之也。言襄陵之勢既夷。而九
州之界限復井然隆起。歷歷可稽也。

應龍何畫。河海何歷。

畫音或歷
叶音勒

周拱辰曰。有翼而飛者爲應龍。應龍佐禹治水。畫
地泉流爲說已久。又嶽瀆經堯時九年洪水。巫支
祈爲孽。蓋水妖也。應龍驅之淮陽龜山足下。其後
水平。禹廼放應龍於東海之區。又呂氏春秋大禹
東至樽水。日出九津。鳥谷青山之鄉。南至丹栗沸。

水之際。西過三危之阨。巫山之下。北至太正之谷。
夏海之窮。積水積石之間。未嘗暇息。至於歷中國
之某河某海。又不足言矣。

鮌何所營。禹何所成。康回憑怒。墜何故。以東南傾。

憑皮

膺反墜

古地字

周拱辰曰。鮌之營也。何術。禹之成也。何功。鮌之治
水也。龜之禹之治水也。龍之鳴呼。此成敗之由耶。
康回共工名。與顓頊爭帝。怒觸不周山。折天柱。絕
地維。天傾西北。地陷東南。

九州安錯川谷何沍東流不溢孰知其故

安一作何錯七故反

沍音

戶

周拱辰曰帝嚳制九州按孔安國註一冀州帝都
不說境界以餘州所至則可知下梁州東距華山
之陽西據黑水一兗州東南據濟西北距河一青
州東北至海西北距岱一徐州東至海南至淮北
至岱一揚州北至淮東南至於海一荊州北距荆
山南盡衡山之陽一豫州西南至荆山北距大河
一雍州西據黑水東距河龍門之河在冀州之西

錯者如犬牙相制然也。川谷何滂滂深也。宇宙內
有九淵極深。又列子渤海之東有大壑焉。實爲無
底之谷。東流不溢。諸家皆爲歸墟受之之說所誤。
予嘗見善飲者至一石不醉。私自念言。腹僅貯一
斗餘。而所受踰十倍。非其量之能受。迺其量之能
消。卽佛語所云消受也。東流不溢。妙處不在能受。
正在能消。所以爲造化之神。我朝楊升庵以柳子
之對朱子之註爲非。而曰歸墟尾閭是水之大窮。
盡大升降處。窮盡升降二語。猶未夢見在。

東西南北其脩孰多南北順臬其衍幾何

原一作陸一作墮音

妥又徒

禾反

陸時雍曰淮南子云闔四海之內東西二萬八千里南北二萬六千里禹使太章步自東極至於西極二億三萬三千五百里七十五步使豎亥步自北極至於南極二億三萬三千五百里七十五步則大較如是矣。而又曰南北順臬其衍幾何則似南北狹而東西長也。張衡靈憲經曰八極之維經二億三萬二千三百里南北則短減千里東西則

廣增千里自地至天半於八極則地之深亦如之
二說略殊而張言似與此合矣。陳謂狹而長也

崑崙縣圖其尻安在增城九重其高幾里

縣音

陸時雍曰崑崙墟在西北去嵩高五萬里地之中
也。崑崙說曰崑崙之山三級下曰樊桐一名板松
二曰玄圃一名閼風上曰增城一名天庭是謂大
帝之居淮南子云增城九重其高萬二千里百一
十四步二尺六寸張子房赤靈經云崑崙天柱萬
脉由起面居西雍耳目口鼻幽冀川蜀分左右背

懸○心○關○腦○腹○垂○洛○汭○爲○汧○爲○渭○大○河○大○紅○經○絡○榮○
衛○大○腸○膀○胱○震○澤○壘○濟○青○齊○以○降○是○爲○龍○脾○洩○爲○
尾○閭○西○北○綿○亘○幽○寒○莫○詣○爲○背○爲○項○爲○脊○爲○髀○下○
爲○齧○尻○音○居○脊○骨○盡○處○以○身○按○之○乃○知○崑崙○之○尻○
在○西○北○無○盡○際○矣○齧○卽○居○也○朱○晦○翁○讀○尻○爲○居○義○
亦○如○是○爲○釋○則○誤○矣○

四○方○之○門○其○誰○從○焉○西○北○辟○啓○何○氣○通○焉○

辟與闢同
一作開

闢○拱○辰○日○淮○南○崑崙○有○四○百○四○十○門○門○間○四○里○里○
闢○九○純○純○丈○五○尺○北○門○闢○以○納○不○周○之○風○

日安不到。燭龍何照。羲和之未揚。若華何光。

照叶之
浩反揚

陽
一作

陸時雍曰。天地間儘有陰陽。不匝處。東有無雷之國。西有無雨之國。北有無日之國。又造天地經祭。河婁國土人無有日月光。

周拱辰曰。山海經西北海之外有章尾山有神人面蛇身而赤。是燭九陰。是謂燭龍。又太荒經鍾山之神名曰燭陰。視爲晝。冥爲夜。吹爲冬。呼爲夏。身長千里。在無脊之東。又淮南曰。龍身一足。若木在

建木西其華照下地一借照燭龍晝常昏暗一若
木普光夜亦常明同一宇宙何明暗不均若是懸
乎。

何所冬煖何所夏寒。

周拱辰曰遠遊南州炎德桂樹冬榮又大招南有
炎火千里又招魂北方層冰峨峨飛雪千里又代
水不可涉天白顚顚寒凝凝只皆騷中自註又拾
遺記岱輿山有員淵千里常沸騰孟冬水涸山人
掘之碎火如蒸以燭投之則燃又炎海有沃焦山

冬夏常沸山爲之焦。淮南崑崙之丘。或上倍之。是謂涼風之山。又水經註崑崙爲無熱丘。

焉有石林。何獸能言。

周拱辰曰。道阜生瑤筍。千年一芽。鬱然成林。又拾遺記須彌山第六層有五色玉樹。蔭翳五百里。玉樹石色如玉也。又述異記陽泉在天餘山北。清流數十步。所涵草木皆化爲石。獸之能言者不獨猩猩也。狒狒善笑。作人言。角端人言。又含塗之國。鳥獸能言。又紀祥錄黃帝至東海白澤。人言。又夷狄

有狗國有蛇國有人魚國有鼠王國皆獸也皆言也周禮命夷貊掌鳥言命貉貊掌獸言然則獸之能言者夥矣

焉有龍虬負熊以遊

周拱辰曰熊雄猛食人形軀甚小虬龍與熊絕不相類而相負以遊蓋神熊也山海經熊山有穴焉熊之穴恒出神人卽此也

雄虬九首儵忽焉在何所不來長人何守

虬許偉反儵與條同

周拱辰曰雄虬無考山海經開明九首抱朴子石

脩九首皆神物也。雄虺意卽此類。神異經不歿民
在交脰東其爲人黑色壽不歿。又無腎之國在長
股東其人穴居食土歿卽埋之其心不朽歿百廿
歲乃復更生。抱朴子乘雲壘產之國肝心不朽之
民是也。又員嶠山有陀移國人長三尺壽萬歲。
人不獨防風氏左傳僑如緣斯焚如祭如簡如同
守鄭瞞之國皆是。又康回首觸不周柱折維闕比
身橫九畝者又過之矣。又洞冥記支提國人長三
丈二尺。又河圖玉版龍伯國人長三十丈。

靡萍九衢泉華安居靈蛇吞象厥大何如

萍一作菲
泉相里反

靈一作一

大一作骨

舊註靡萍九衢言其枝九出也浮山有草其葉如

泉南海有巴蛇身長百尋食象三年而出其骨

黑水玄趾三危安在延年不灰壽何所止

周拱辰曰山海經黑水之西有朝雲之國司晷之

國又冥海北有黑河又淮南三危在樂民西又自

崑崙流沙沉羽西至三危之山玄趾無考意卽所

云玄股之國者是也黑河之藻可以千歲三危之

露。可。以。輕。舉。又。三。危。金。臺。石。室。食。氣。不。死。然。遂。能
與。天。地。相。畢。乎。徒。取。延。年。終。歸。有。盡。何。所。止。言。畢
竟。有。止。云。爾。

鯨魚何所甦堆焉處羿焉蹕日烏焉解羽。

鯨音陵甦音所堆多

同反蹕說文云射也
音畢烏柳云當作鳥

舊註鯨魚有四足似鼃而短小出南方山海經曰
四海中近列姑射山有陵魚人面人手魚身北號
有鳥狀如雞而白首鼠足名曰鵩雀食人

羿拱辰曰羿焉蹕日二句舊訓抹却焉字而曰羿

九日九鳥墮其羽非也。二焉字卽應雀焉處焉。
問詞也言十日並出羿卽神射豈能發而參天。
以何術而能射落九日也。且蹲而發矢之地何
地也。鳥以風化鳥爲羽風所吹轉吹轉高搏入罡
風卽化而無。惟羽毛解落在地耳。解羽之處還在
何所。水經注流沙積羽之鄉是也。

禹之力獻功。降省下土方。焉得彼僉山女。而通之于
台桑。閔妃匹合。厥身是繼。胡爲嗜不同味。而快鼂飽。
功叶音光。土方句絕。蓋用商頌語。禽一作涂。
音塗。鼂一作朝。涉遙反。飽與繼叶。疑有櫛音。

陸時雍曰問之意似謂禹承命獻功而得通龠山
女於台桑是疑聖人之忽君臣也既閔妃匹合淮
厥身之是繼耳胡爲嗜不同味而快鼃飽又疑聖
人之輕父子也所云堯舜之抗行被以不慈之僞
名大率類此所以爲憤辭也嗜味之美人所同也
嗜不同味而快鼃飽則所安者惡食而所快者鼃
飽也則禹之所嗜不在人情之內矣鮑照詩曰居
人掩閨歟行子中夜飯食梅嘗苦酸衣綈嘗苦寒
旅人泥味當自如此鼃飽猶左傳所謂蓐食書曰

娶於塗山。辛壬癸甲。則禹之居室。僅四日耳。閔憂也。

啓代益作后。卒然離蠱。何啓惟憂而能拘是達。蠱一作孽

一作孽並
魚列反

周拱辰曰。離蠱一云啓與有扈大戰於甘。一云益
于啓位。啓殺之。越絕何以云啓善犧於益也。按說
文。蠱一云妖孽。不祥也。炎帝之繼太昊。高陽之繼
金天。高辛之繼高陽。虞之繼唐。夏之繼虞。皆以異
姓禪者也。啓獨排父之所薦。以自帝。衆共指爲不

祥也。一云蠶歌謠也。子輿氏所云天下之謳歌者，不謳歌益而謳歌啓是也。皆出人意外。故曰卒然。惟啓能克憂勤敬承繼禹故私一家之傳。不爲違天。違先人之薦。不爲悖父也。故曰啓惟憂而悔。是達也。

皆歸朕箚而無害厥躬。何后益作革而禹播降。箚一作射
籀音菊一作鞠
降叶胡攻反

陸時雍曰：宜闕。

啓棘賓商。九辨九歌。何勤子屠母而處分竟地。歌叶
巨依

反地叶
音低

陸時雍曰山海經夏后開上三嬪於天得九辨九歌於下朱晦翁謂啓棘賓商當是啓夢賓天說有明文無疑也勤子屠母淮南子云禹治水時自化爲熊以通輶輳之道塗山女見而慙遂化爲石時方孕啓禹曰還我子於是石破北方而生子其石在蒿山問意謂啓上賓天得九辨九歌此天方謂夏。豈患無嗣。禹何汲汲然者。當化石之時乃勤屠母而歿分竟地也。人化爲石石裂竟地則不可以。

復形生歿界分神人道隔在此際矣原之此間似
千載以下結爲無情之痛如此要亦漫興語耳嬪
當作賓。註謂獻三美女於天帝妄矣

帝降夷羿。革孽夏民。胡眡夫河伯而妻彼雒嬪。
眡食亦反

妻七計反

舊註傳曰河伯化爲白龍遊於水旁羿見眡之眡
其左目又羿夢與洛神宓女交

周拱辰曰羿革孽夏民而歸之帝降言雖夷羿之
造孽實天意也。眡河伯妻雒嬪味何眡而妻語意

意誌曰此
二巧特甚

楚辭

卷四 天問

二十七

蓋一。串事也。言羿既射河伯矣。雉嬪亦水神。卽河
伯眷屬也。不以為仇。而反與之婚。何耶。河伯而魚
服。處妃而行露。不可解者一也。戕其主伯。聘其妃
侶。不可解者二也。馮技而好殺。畏威而薦姻。不可
解者三也。訴上帝而以為無罪。狎靈死而以為固
然。不可解者四也。凶而嗜淫。抑又甚焉。而播毒
民。偃然盜帝。不可解者五也。

馮珧利決封豕。是歟。何獻蒸。謂之膏。而后帝不若。
憑珧音遙。豕虛豈反。歟。

叶時若反。蒸一作蒸。

周拱辰曰馮珖利決言引蜃弓穿象闥也歟神
薦鼎馨媚帝而帝不若天實怒我逆取而願守之
得乎似言羿事

浞娶純狐眩妻爰謀何羿之歟革而交吞揆之

浞士角反

謀叶謨
悲反

陸時雍曰舊註謂以羿之勇力如此而浞有眩妻
爰謀因與家衆交并而吞滅之也歟革猶言貫穿
此之爲問若疑之實快之也

阻窮西征巖何越焉化爲黃熊巫何活焉

舊話此言鯨事然羽山東裔而此言西征已不可
曉或謂越巖陞亦無明文左傳言鯨化為黃熊
國語作黃能熊獸名能三足鯨獸非入水之物故
是鯨也或云東海人祭禹廟不用熊白及鯨豈鯨
化為二物乎

咸播秬黍莆藿是營何由并投而鯨疾脩盈

秬音巨
藿一作

黃藿音九
一作藿

陸時雍曰秬黍黑黍莆藿水草也言禹平治水土
咸播五穀莆藿之地亦得耕營厥功太矣。豈其蓋

鉉之愆何故既已并投而惡聲復長滿於世也乎
投者當年之事疾盈者後世之稱原之此問蓋歎
之也君父之事力有所不得用臣子之心常有時
而窮若此者古今豈一事哉脩長也

白蜺嬰茀胡爲此堂安得夫良藥不能固臧天式從
橫陽離爰歿大鳥何鳴夫焉喪厥體茀音拂得下一
有失字從鄭容

反喪息
浪反

周拱辰曰王逸註列仙傳云崔文子學仙於王子
喬子喬化爲白蜺而嬰茀持藥與之文子驚怪引

戈擊蜺因墮其藥俯而視之子儵之尸也須臾化
爲大鳥飛鳴而去是則然矣中間天式從橫而曰
天法有善陽離爰歿而曰人失陽氣則歿大謬言
子儵既得天道從橫變化之術故顯神通因文子
之擊陽爲歿耳陽歿者佯歿也化鳥飛鳴夫豈厥
體之喪而真歿乎。

萍號起雨何以興之撰體脅鹿何以膺之

萍一作萍
一作萍音

鹿號胡刀反撰解

兔反有虛業反

陸時雍曰舊詁云萍萍翳雨師名號呼也天漢十

二神鹿一身八足兩頭何以膺受此形體此當闕

疑

鼇戴山牝何以安之釋舟陵行何以遷之

鼇音敖戴一作載牝

音舟安時

一先反

陸時雍曰列子云渤海東不知幾億萬里有大壑

焉實惟無底之壑名曰歸墟中有五山岱嶼員嶠

方壺瀛洲蓬萊高下周旋三萬里平頂處九千里

一日一夜飛相往來不可數焉帝命禺強使巨鯨

十五舉首戴之迭爲三番六萬歲一交焉五山始

峙

李思謫曰此
事宜存於本
文恐未相似

周拱辰曰列仙傳稱巨靈之鼇背負蓬萊之山而
拊舞鼇卽大不大於蓬萊之山也何以安之也釋
舟陵行王逸謂鼇釋水而陵行不通甚矣按洽聞
記荊州有空舂夾絕崖壁立數百仞飛鳥不栖傳
云洪水時行舟者泊爨於此疑卽此山至大而鼇
亦可負陵至峻而舟亦可遷真足傳千古之疑也
惟澆在戶何求于嫂何少康逐犬而顛隕厥首女歧
縫裳而館同爰止何顛易厥首而親以逢殆

澆五弟
天嫂叶

音叟易上一有頂

字殆叶當以反

周拱辰曰沈約竹書註少康使汝艾謀澆初浞娶
純狐氏有子蚤死其婦曰女歧寡居澆強罔往至
其戶佯有所求女歧爲之縫裳同舍止宿汝艾夜
使人襲斷其首乃女歧也澆旣多力又善害人艾
乃攻獵放犬逐獸因喉澆顛隕乃斬澆以歸爾段
文氣倒而意實融貫親以逢殆指逐犬顛隕言也
言汝艾欲襲殺澆而顛易女歧之首似可僥倖逃
死矣而卒不免逐犬之厄逆賊之無逃於天誅也

如此。

湯謀易旅何以厚之覆舟斟尋何道取之

斟職深反取此苟反

陸時雍曰仲康崩相繼立依同姓諸侯斟灌斟鄩氏爲澆所滅湯當是康字謂少康也

罔拱辰曰一成一旅能收夏衆康可謂善謀者矣
向非虞思君要以二姚錫之綸邑百端匡植當澆
使椒求康之時殆矣卽免於難亦庖正止耳安能
收燼滅浞祀夏配天平何以厚之以旌虞也相既
覆舟斟鄩之國矣而康復取之豈其無道而至此

其間觀變俟時強力忍詢委曲隱忍潛圖密慮經
營四十年而天命默爲挽回其道得也令少康君
臣於此數十年中力淺謀疎蹊蹶不能待幾事不密
身且不保況國乎張廣漢曰其潛也若蛟龍之深
潛故其發也若雷霆之震迅惟其時也有旨哉

桀伐蒙山何所得焉妹嬉何肆湯何殛焉

得叶徒力
反妹音未

嬉音

喜

周拱辰曰蒙山之伐桀利在得也得一美人失一

國家折閱多矣或曰南巢之放乃與妹嬉及嬖廢

五百人同竄禁且曰猶吾得也而已矣

舜閔在家父何以鰥堯不姚告二女何親

鰥古頑反
叶音矜

厥萌在初何所意焉璜臺十成誰所極焉

意古億字
璜音黃

周拱辰曰韓非紂爲象箸而箕子怖以爲象箸不

盛羹於土簋則必犀玉之杯玉杯象箸必不盛菽

藿則必旌象豹胎旌象豹胎必不衣短褐而舍茅

茨之下則必錦衣九重高臺廣室聖人見微以知

萌見端以知末也璜臺十成而曰誰所極言紂之

侈奢至瓊宮玉宇亦極矣亦知卽初念之萌極之

乎。止濫觴者窒其穴去高木者標其蔭言謹微也

登立爲帝孰道尚之女媧有愷乾制匠之

媧古華反

周拱辰曰舊以登立爲帝屬伏羲非也人皇以上
燧人以下帝者多矣何以專指羲乎余謂皆指女
媧說蓋問中儘有上句不說出人名下二句纔指
出者如吳獲迄古南嶽是止孰斯去斯得兩男子
吳獲迄古二句卽下兩男子事也如天命反側何
罰何佑齊桓九合卒然身殺天命反側二句卽下
齊桓事也如何聖人之一德卒其異方悔偷受醢

箕子佯狂聖人一德二句卽下梅伯箕子事也蓋
上二句先述事迹下二句纔倒出人名閭中多有
此句法女媧伏羲氏妹自古皆以男子帝天下女
媧獨以女子爲天下君豈女媧自權而自立之乎
抑伏羲以天下私不傳之子不傳之弟不傳之臣
獨傳之妹乎又豈女媧聖德遠邁往帝羣臣百姓
自往從之乎孰道尚之言稟何道德天下翕然尊
尚之也按女媧生而神靈佐太昊正婚姻是爲神
媒共工作亂振滔洪水以禍天下女媧誅殺之都

於中皇之山鍊五色石以補蒼天斷鼇足以立四
極殺黑龍以濟冀州積蘆灰以止淫水又作笙簧
以通殊風用十五絃之瑟於澤丘以郊天佑神聽
之極悲乃更爲二十五絃以抑其情而樂乃和乘
雷車駕應龍登九天朝帝於靈門淮南所云考其
功烈上際九天下契黃墟者也傳言女媧風姓本
伏羲言之不知媧媧雲姓古聖人帝天下有不襲
姓者也河圖挺佐輔云女媧牛首蛇身宣髮玄巾
記云伏羲龍身女媧蛇身列子以爲皆蛇身牛首

虎鼻蓋人之形有同乎物者今相家者流取象禽
獸之形體者是也孰制匠之言孰主宰而治制之
也女子帝天下者前有媧後有豎開闢以來所未
有扶綱常而警伏雌可少此屈原之一問哉
舜服厥弟終然爲害何肆犬豕而厥身不危敗

周拱辰曰厥身不危敗舊以爲舜不誅象非也言
焚廩浚井亦大逞犬豕之謀矣鳥工龍工厥身卒
免於難抑何神而至此也此專指舜言後段駁弟
並危纔指象說

吳獲迄古。南獄是止。孰期去斯。得兩男子。

迄諱訖反

舊註南獄是止。竄荆蠻而極蔡也。兩男子太伯仲

雍也

緣鵠飾玉。后帝是饗。何承謀夏桀。終以滅喪。

一無夏字喪去

聲一作卷

周拱辰曰。王逸晦翁咸謂湯承用伊尹之謀滅桀。

自來無以君承臣之說。語氣亦直致無文。且終以

二字如何着落。言伊尹烹鵠羹薦玉鼎。以干湯於

是尹承湯密謀以事桀而終以滅桀也。竹書十七

年商使伊尹來朝二十年伊尹歸於商呂氏春秋
湯欲令伊尹往視曠夏恐其不信乃自射伊尹伊
尹奔夏三年聽於妹嬉之言以告湯湯良車七十
乘必死六千人以戊子戰於郟遂禽伊摯就桀湯
實命之承謀者承湯之命爲桀謀也始輔之卒滅
之聖人舉動若是兩截乎。

帝乃降觀下逢伊摯何條放致罰而黎服大說

乃一作力

摯如字卽說叶稅
摯音哲卽說音悅

周拱辰曰降觀者卽所云成湯東巡也不意中得

一、良、相、故、云、逢、聲、罪、而、黎、服、大、說、雖、水、火、之、民、易、
見、德、然、堯、舜、禪、而、民、說、湯、放、桀、而、民、亦、說、古、今、升、
降、之、際、可、爲、慨、然、

簡狄在臺嚳何宜玄鳥致貽女何喜

臺叶徒其反嚳苦駕反貽一作

詒喜叶音嬉一作嬉叶音基

周拱辰曰娥女吞鵲卵生契事詳見商頌史記又
高辛氏與簡狄祈於郊禱鵲遺卵簡狄在臺豈築
臺以郊故云在臺乎

該秉季德厥父是臧胡終弊于有扈牧夫牛羊

楚辭

卷四 天問

二十九

陸時雍曰宜關

干協時舞何以懷之平脅曼膚何以肥之

懷叶胡威反曼音萬

陸時雍曰有苗逆命頑已甚矣而舜以干羽合舞兩階七旬乃格遵何道與是可念也實可師也當紂之時人心離矣憂懼不遑而平脅曼膚何所養而肥澤至此是可詒也復可鑒也

有扈牧豎云何而逢擊牀先出其命何從

豎臣虞反命何一作

何所

陸時雍曰宜關

恒秉季德焉得夫朴牛何往營班祿不但還來

補正
角反

二云平豆反無朴音牛
叶魚奇反來叶力之反

周拱辰曰朴牛事衆解憤憤越絕書曰湯獻牛荆
之伯之伯者荊州之君也湯行仁義敬鬼神當是
時天下未從也湯於是乃飾犧牛以事荆伯乃覲
然曰失事聖人禮乃委其誠心此謂湯獻牛荆之
伯也恒秉季德者睦鄰之德終如其始也淮南子
曰始乎叔季歸乎伯孟季德者初德也湯得朴牛
而不以自享曰以享鄰湯之祿也荆得之而薦其

李思結曰此
事更宜他詳

祖先且以謝過荆之祿也兩皆受其賜豈區區尋
常往來之禮乎故曰往營班祿不但還來

昏微遵迹有狄不寧何繁鳥萃棘負子肆情

遵一作循

陸時雍曰舊註謂人循闇微之道爲戎狄之行者
不可以安其身晉大夫解居父聘吳過陳之墓門
見婦人負子欲與之淫婦人引詩刺之曰墓門有
棘有鸛萃止余謂此事不類故宜闕之

眩弟並淫危害厥兄何變化以作詐而後嗣逢長害一作虞兄叶虛良反

而一在嗣字下

陸時雍曰王逸以爲象封有鼻是也有鼻之祚修
短無聞問意似謂以象之作詐當不能保其身而
何有於子孫也。然黃帝分封萬國。周之同姓封者
七十。豈盡懿德哉。有先王之令德以庇其子庶。有
天之福澤以昌其本枝。固宜咸保令融。有引勿替
也。象至不道。得舜而昌。殷士膚敏。其麗不億。因紂
而亡。嗚呼念之哉。

成湯東巡有莘爰極何。乞彼小臣而吉。妃是得。
莘所

得叶徒
力反

周拱辰曰何乞彼小臣而吉妃是得言乞小臣而何以必借媒於吉妃也嘲之也世紀湯感夢有人抱鼎俎對已而笑寤而求伊摯於有莘之野有莘之君畱而不進湯乃求婚於有莘之君遂嫁女於湯以摯爲媵臣巧於聘妃巧於聘臣者乎

水濱之木得彼小子夫何惡之媵有莘之婦

一無彼字惡烏

路反婦叶芳尾反

陸時雍曰伊尹母姪夢神女告之曰白竈生鼃亟去無顧居無何白竈中生鼃母去東走顧視其邑

盡爲大水母因溺水化爲空桑之木水乾之後有
小兒啼水涯人取養之既長有妹材有莘惡其從
空桑出因以媵女夫何惡之媵有莘之婦蓋歎之
也所云素騏驎而不乘更遑遑其焉索者非歟
周拱辰曰伊生空桑爲說已久夫何惡之媵有莘
之婦湯乞小臣借謀於吉妃伊尹有湯借兆於莘
婦然則謂有莘之女爲商家四百九十六年薦賢
之功臣亦可也

湯出重泉夫何辜尤不勝心伐帝夫誰使挑之

皋古
罪字

光叶於其反
挑徒了反

周拱辰曰太公金匱桀怒湯以諛臣趙栗計召而
囚之均臺寘之重泉湯乃行賂桀遂釋之賞之贊
茅不勝心伐帝舊訓誤甚言伐帝非湯本心有挑
之者矣分明指伊尹說說湯以至味曰天子然後
可具以味桃也奔夏三年反報於亳曰桀迷於妹
嬉好彼瓊琰以謀桃也

會鼃爭盟何踐吾期蒼鳥羣飛孰使萃之

舊詁武王伐紂紂使膠鬲視武王師膠鬲問曰欲

張煥如曰當
武王取師之
時未有紂名
此記事之不
審耳

以何日行師武王曰以甲子日膠鬲還報紂會天
大雨道難行武王晝夜行或諫曰雨甚軍士苦之
請且休息武王曰吾許膠鬲以甲子日至殷令報
紂矣吾甲子日不到紂必殺之吾故不敢休息以
救賢者之歿也遂以甲子日誅紂

周拱辰曰此下四段段段有不滿武王意亦屈原
自附夷齊之義也言武王冒雨急進豈真欲救膠
鬲之歿哉非爭其失期也爭其得時耳鷹隼之衆
羣集飛揚問誰統帥之此非指武王指尚父也堂

堂之師必借謀於陰符六韜之將畧何歟

列擊紂躬叔旦不嘉何親揆發定周之命以咨嗟

一無

何字一無
之以二字

周拱辰曰太白之懸亦太慘矣曰不嘉曰咨嗟明

乎且雖佐發定命非其心也況親斬紂頭比巢門

之禽更甚乎

授殷天下其位安施反成乃亡其罪伊何

施叶所加
反若如字

卽下何叶音

奚反一作及

周拱辰曰何以曰授殷天下三分有二以服事殷

殷之天下實周授之也。猶三以天下讓，意其位安施言讓之以位，則宜知所以善保其位矣。而善保之術，又安施耶？成全也。言父委曲全之子，一旦廢之，紂雖得罪於天，未始得罪於臣。其罪伊何？恐數紂之罪而紂不服也。

爭遣伐器何以行之，並擊翼何以將之。

行叶戶
郎反

周拱辰曰：爭遣伐器，言遣調戰伐之器也。並擊翼，並進而擊其左右翼也。何以行之，何以將之，皆隱語。言以仁伐不仁，何用許多陰謀權詭使後世。

疑也

昭后成遊南土爰底厥利維何逢彼白雉

底音指

舊註昭王南巡船壞而溺卽左傳所云南征不復

也白雉無考

穆王巧梅夫何周流環理天下夫何索求

梅芒敗反周上一有

爲字

周拱辰曰梅說文訓貪晦翁因訓貪求則下句夫

何索求句便贅矣余謂當訓貪樂之貪爲是言穆

王挾造父駕八駿勞馮夷銘玄圃釣珠澤射麗虎

謁王母而答歌過井公而縱博荒淫肆樂足跡幾
遍天下焉既已爲天下君而僕僕車塵馬足抑似
有求而勿獲者何故乎

妖夫曳銜何號于市周幽誰誅焉得夫褒姒

銜焚
絹反

陸時雍曰周之亡褒姒爲之也褒姒亡周自厲弧
箕服始也先童謠曰厲弧箕服實亡周國及是夫
婦牽行賣厲弧箕服於市者而執之夜亡聞女啼
聲收以奔褒後褒人入以贖罪是卽幽后所爲褒
姒者也夏之衰也二龍止庭言曰余褒之二君也

告以精幣。龍亡而遺其蓀。橫蓀至周厲王之世。啓
橫蓀。流爲玄龜。入後宮。處女遇之。孕。生女棄去。彼
歷孤箕服者。所爲挾以奔褒也。原之言曰。妖夫曳
銜。何號于市。意是夫之非人也。且號之有所使也。
周幽誰誅。非周幽之罪也。褒姒之從來遠矣。其得
入於王宮。怪矣。焉得夫褒姒亦非褒人之所知也。
離騷九章止。言人事。天閭言天。亦無所歸咎。云爾。
天命反側。何罰何佑。齊桓九合。卒然身殺。
佑。叶於忌反。合一作

會殺

音試

周拱辰曰言何以條佑之而牛耳中原條罰之而腐尸楊門之扇也任管仲則霸信豎刁易牙諸人則亂原曰何罰何佑吾則曰亦自罰自佑

彼王紂之躬孰使亂惑何惡輔弼讒諂是服

惡鳥路反誦一

作謂服卽服食之服

晦翁訓作事非是

周拱辰曰內惑於妲己所謂女戎也外惑於飛廉惡來諸人猶之男戎也彼王紂之躬哉所云資辨捷給聞見甚敏材力過人以天下爲咸出已下者也具曰予聖誰知烏之雌雄此語若爲商辛寫照

比于何逆而抑沉之雷開何順而賜封之

封叶平音反

周拱辰曰雷開阿紂進諛言紂賜金玉而封之賞以夏田或諫曰非時也君踐一日之苗民失終歲之食其可乎殺之

何聖人之一德卒其異方梅伯受醢箕子詳狂

梅音亮詳

音作

周拱辰曰箕子爲之奴蓋囚之爲奴如漢法髡鉗爲城旦春論爲鬼薪是也一勁直數諫不避菹醢一不瞽不聾托之佯狂迹異而忠君悟主之心則

一也

稷維元子帝何竺之投之于冰上鳥何煥之

竺一作篤煥音

郁

舊詁后稷名棄帝譽之于其母有邵氏曰姜嫄出
野見巨人跡說而踐之遂身動如孕居期生子棄
之冰上鳥覆翼之竺當爲天祝予之祝或天天是
豚之豚以聲近而譌耳

何馮弓挾矢妹能將之既驚帝切激何逢長之伯昌
號衰秉鞭作牧何令徹彼岐社命有殷國

周拱辰曰。弓矢王逸以爲后稷固非。補以爲武王亦未必大約。不外周事者。近是。竹史王嘉季歷之功。錫之圭瓚。巨鬯彤弓旅矢。九命爲伯。周之馮有。弓。矢。也。舊。矣。既。浸。以。逼。帝。帝。何。以。不。疑。而。長。任。之。號。衰。者。撫。此。衰。世。而。施。號。令。以。蘇。之。也。魴。魚。頰。尾。窮。民。之。仰。望。父。母。也。久。矣。秉。轡。作。牧。不。止。作。六。州。之。牧。吏。編。明。年。伐。大。戎。明。年。伐。密。須。明。年。敗。耆。國。又。明。年。伐。邠。又。明。年。伐。崇。侯。虎。而。作。豐。邑。又。王。命。西。伯。得。專。征。伐。時。三。十。三。年。也。周。受。天。命。自。此。年。

始。所以卒能大岐之社於天下。撫有殷國。又何疑乎。

遷藏就岐。何能依。殷有惑婦。何所譏。

周拱辰曰。遷藏非徒寶藏之說。讀乃積乃倉一詩。則藏乃蓋藏之藏也。依亦非百姓隨依之不舍也。益四爻曰。利用爲依遷國。蓋流泉夕陽幽居允荒。天設險勝。能依之以基王也。殷有惑婦。何所譏。非議惑婦。議用惑婦者耶。

受賜茲醢。西伯上告。何親就上帝。罰殷之命。以不救。

告叶古后反帝

下一有之字

陸時雍曰紂烹伯邑考以賜文王文王食之紂曰孰謂西伯聖者乎食其子而不知斯時紂之惡亦酷矣文王飲聲不言臣罪當誅況其子乎醢梅伯以賜諸侯得罪於天下矣西伯乃上告帝帝怒而致罰殷之命遂以不救語曰棄賢實惟棄天貫盈之罪所必不赦乎

師望在肆昌何識鼓刀揚聲后何喜

歲典志同喜叶許寄反

周拱辰曰散宜生南宮适闕天學於太公太公見

陸時雍曰成
湯有憐仲德
釋之武王誅
紂而不以為
意然夫子曰
湯武革命順

三子之為人遂酌酒切脯約為朋友聲臭之令也
日何識日何喜風雲之契別有機緣劉勰新論曰
堯之知舜不違桑陰文之知尚不以永日眉睫之
微而形於色聲音之妙而動於心必待其下屠屠
牛上屠屠國之語而識之而喜之淺之窺聖人矣
武發殺殷何所悵載尸集戰何所急

邑 悵音

周拱辰曰湯之伐桀放之而已竹書十八年桀卒
於亭山湯命禁絃歌舞是湯猶以天子之禮待桀
桀也武則竟殺紂矣弔伐同而放殺異公憤乎私

乎天而處乎
人而武王且
以一人德行
爲恥竟聖人
心事各有所
養耳

憤乎載尹集戰王逸以爲載水注是矣味何所急
語氣似與父族不葬爰及干戈意同夫抵屈原干
古捐忠也其於商周革命之際扼腕久矣信謗齎
怒忍尤穰詢一種美人遲暮之思宛然臣罪當誅
首陽采薇心事故於湯伐桀則曰終以滅喪曰何
條放致伐於武代紂則曰何所悞又曰何所急噫
原所以悼下土之紛紛而願侶彭咸以自沉也
伯林雉經維其何故何感天抑隆夫誰畏懼

陸時雍曰宜闕

皇天集命惟何戒之受禮天下又使至代之

陸時雍曰授大寶詔大戒天不以位私人也其戒
伊何孟子與之申說天與董仲舒之所對武帝者
是也天與之人奉之所謂受禮天下也世受命而
忘戒者多矣故爲問以醒之既受命於天下矣又
使至代之甚矣其可畏也

周拱辰曰此亦命不於常意然非德后虐仇之說
也古來如舜之代堯禹之代舜周之代商命之正
也如羿與浞之代夏桀之變也神器一耳有德者

居之以遊厥民有力者亦有時獲之以逞其不肖
之心福善禍淫正不必爾此正造物之茫茫未可
以理叩也

初湯臣摯後茲承輔何卒官湯尊食宗緒。

舊詒初湯臣摯以爲凡臣耳後知其賢而以爲疑
承輔弼也尊食宗緒上祀先人下及子孫也

周拱辰曰官卽官天下之官卒官湯者推湯於諸
侯之上而爲天下君也尊食猶玉食萬方意

勲闔夢生少離散亡何壯武厲能流厥嚴

嚴叶五郎
反詩殷武

篇有
此例

陸時雍曰閻吳王閻廬夢閻廬之祖壽夢勲功也
吳之強自閻廬始。屈原所以勲之也。

周拱辰曰勲閻夢生言勲閻乃壽夢所生也。少小
散亡在外乃能刺王僚代爲吳王。後用伍員爲將
碎鐘蕪尸聲震鄰國。是能振其猛厲而流其威嚴
也。事詳在吳世家。屈原侈言之以警楚平。

彭鏗斟雉帝何饗。壽命永多夫何長。

餐叶虛
良反

周拱辰曰王逸訓鏗進雉羹於號堯饗之而錫以

壽考至八百歲子厚又誤承之曰夫歿自暮又誰
饗以俾壽夫必饗之而俾以壽則帝當作上帝纔
通若謂堯錫鏗壽則堯胡不能自壽至八百乎余
謂二句平讀便自躍然言堯非嗜味者也鏗斟雉
而堯饗之爵之彭城果僅味之薦乎抑重其道德
焉而庸之乎壽有所受之者也鏗之延長何術之
修豈熊經鳥申之術乎抑別有修心鍊性之秘乎
按彭鏗隱雲母山食雲母不老後又爲商大夫人
行仙也

中央共牧后何怒螽蟻微命力何固

牧一作收一作
汝螽音風蟻古

字蟻

陸時雍曰宜闕

驚女采薇鹿何祐北至回水萃何喜

祐叶於
忌反

周拱辰曰驚女句指夷齊事也文選夷齊畢命於

淑媛五臣注夷齊采薇首陽一女子見而譏之曰

子義不食周粟此亦周之毛也又夷齊餓於首陽

白鹿乳之言采薇而驚來女子之譏遂棄薇而餓

曰鹿又何以祐之而薦之乳乎北至回水或另一

事未有考闕之

兄有噬犬弟何欲易之以百兩卒無祿

噬音莖
兩音亮

周拱辰曰王逸以爲秦公子鍼之事然與左傳不

同闕之

薄暮雷電歸何憂厥嚴不奉帝何求

伏匿穴處爰何云荆勲作師夫何長

自此至終篇
皆隔句叶韻

吳過故更我又何言吳光爭國久余是勝

誤一作寤
更音庚言

叶音商

何環穿自閭社丘陵爰出子文

環穿自閭社丘陵七
字一作環閭穿社以

平恩陸口意
融平快語解
何村題龍

及丘陵是淫

是蕩十二字

吾告堵敖以不長何試上自予忠名彌彰

試一作議
予音與彰

一作章

周穆辰日薄暮雷電以下舊詰瑣碎晦滯未晦翁

又指爲不可曉余熟讀數過瑩亮流暢語脉一貫

解人自曉耳若曰雷填填今雨冥冥此何時也吾

其歸歟臣奉主爲嚴君厥嚴欲奉而不得奉或者

忠未盡焉帝其怒我乎謇謇爲患退修初服伏匿

穴處余固甘之夫荆而日循師矣豈靈長之道乎

倘先王有靈大悔君心而光照前業我又何言然
而隣敵日窺忠臣欲盡強侮多吳光之輩而異材
少子文之人入之云亡邦國疹痒吾蓋告堵敖以
不長也吳光子文堵敖皆借語不敢顯指也若夫
以所不必聽者嘗試君而自予以忠名余則何敢
夫捷徑窘步而令臣以忠名彰則君危矣蘭邪椒
佞而我獨以忠名彰則我又危矣不忠不可而忠
又不可何途之從而可乎一段真惡痛哭之懷最
爲溢露讀者自得之

陸時雍曰或問乎余曰屈原之作天問也夫曷
問乎爾曰天不平也已不平矣又曷爲問之曰
天失其平人爭鬪焉賢以爲佞佞以爲賢故有
問也者而省之省之天之所不得有辭於人也
已問矣已省矣爲是寤而遂正之者爲是信而
不得已焉者也曰天聽而堅尚其人之與言屈
原忠矣天將以爲不肖其誰能爭之爲是寤而
遂正之者人將意而爭與之也如其天其不可
問也久矣